

PTPTN hargai petugas barisan hadapan

Beri bantuan RM1,500 kepada anak anggota polis

Oleh NORSHAHZURA MAT ZUKI

KUALA LUMPUR

Perbadanan Tabung Pendidikan Tinggi Nasional (PTPTN) memberikan bantuan berjumlah RM15,000 kepada anak-anak anggota Polis Diraja Malaysia (PDRM) untuk membantu meringankan perbelanjaan persekolahan mereka.

Pengerusinya, Wan Saiful Wan Jan berkata, bantuan itu disalurkan melalui Persatuan Penduduk Perumahan PDRM di kawasan Setiawangsa yang akan diagihkan kepada 10 kawasan perumahan PDRM.

Menurutnya, setiap kawasan perumahan telah diper-

untukkan sebanyak RM1,500 sebagai bantuan untuk membeli kelengkapan persekolahan seperti beg sekolah, alat tulis dan sebagainya.

"Pemberian bantuan tersebut bertujuan membantu meringankan bebanan keluarga yang terjejas akibat pandemik Covid-19 dan dijangka memberikan manfaat kepada pelajar terlibat.

"Ia adalah usaha PTPTN untuk menunaikan tanggungjawab sosial korporat (CSR) kepada masyarakat.

"PTPTN menghargai tugas dan tanggungjawab anggota PDRM sebagai barisan hadapan dalam menjaga keselamatan negara serta mengekang wabak Covid-19," katanya kepada pemberita pada Penyampaian Sumbangan CSR PTPTN kepada Persatuan-persatuan Penduduk PDRM di kawasan Setiawangsa di Perumahan PDRM Menara Seri Kemboja, Setiawangsa pada Khamis.

Hadir sama, Pengerusi Persatuan Penduduk Perumahan PDRM Menara Seri Kemboja,



Wan Saiful (tiga dari kiri) menyampaikan sumbangan CSR PTPTN kepada Pengerusi Persatuan-persatuan Penduduk PDRM di kawasan Setiawangsa, Perumahan PDRM Menara Seri Kemboja, Setiawangsa pada Khamis.

Sub Inspektor Nordin Abdul Razak; Pengurus Besar Kanan Jabatan Komunikasi Korporat dan Pemasaran PTPTN, Wan Zawiah Wan Abu Bakar dan Pengerusi-pengerusi Perumahan PDRM.

Wan Saiful berkata, sebagai peneraju tabung pendidikan

utama yang sentiasa mengutamakan kesejahteraan masyarakat terutama dalam aspek pendidikan, PTPTN komited dengan misi untuk membantu dan menjaga kebajikan masyarakat tanpa mengira kaum serta latar belakang.

"Program bantuan seperti

ini akan terus diperkasakan untuk memberikan motivasi kepada anak-anak mengenai pentingnya kejayaan dalam akademik untuk masa depan yang cerah, sekali gus melahirkan lebih ramai modal insan berpendidikan," kata beliau.